



Midadas en la politica agrara

La confederaziun n'ha midà betg main che ventg ordinaziuns. Thomas Roffler prenda posiziun.

2



Art e musica en il focus

Julietta Lissberg ha lantschà il nov project d'art e musica «Lounge@the Lodge» a Rueras.

3

südostschweiz

LA QUOTIDIANA

Redacziun: Via Sommerau 32, 7007 Cuiria, tel. 081 255 57 10, redacziun@laquotidiana.ch



Il trumf svizzer tar ils Campiunadis mundials da biatlon ad Antholz è il quartet da staffetta da las dunnas: Aita Gasparin, Lena Häcki, Selina Gasparin ed Elisa Gasparin (da san.).

FOTO G. N. STGIER

«Favuritas èn autras»

■ (fmr/gns) En paucs dis cumenzan ad Antholz (Italia) ils Campiunadis mundials da biatlon 2020. Da la partida èn er quatter biatletas grischunas ed in biatlet sursilvan. Suentar che la staffetta svizra da las dunnas cun las trais soras Aita, Elisa e Selina Gasparin e la biatleta Lena Häcki dal chantun Sursilvania è stada fin ussa quest enviern gia trais giadas sin il podest tutga la staffetta svizra tar las favuritas per far ina medaglia en quella disciplina. Las soras Gasparin han ditg ier a chaschun d'in inscunter cun ils meds da massa a Lantsch che favuritas

per gudagnar medaglias sajan autras naziuns che la Svizra. La Svizra tutgia be tar ina da quellas naziuns confavuritas. I dovra ina prestaziun extraordinaria per cuntanscher en la staffetta in plaz da podest, han ditg las quatter biatletas. Impussibel da far ina medaglia ad Antholz na saja quai dentant betg. Da la partida en Italia tar quels Campiunadis mundials da biatlon èn lura er anc la biatleta grischuna Irena Cadurisch ed il biatlet sursilvan Serafin Wiestner.

> PAGINA 8



Dapi 30 onns sin tribuna, Victor Venzin.

MAD

Victor Venzin e la pissiun da far teater

■ (fmr/hh) Enta Medel vegn puspei fatg teater uonn. Sil program ei la cumedia «In termin tier s. Pieder». Per in'ulteriura ga ei Victor Venzin (39) da veser sin tribuna, en quei toc sco arzaunghel Michi. El s'auda gia tiels arrivai ell'Uniun da teater Medel. Dapi 30 onns eis el numnadamein regularmeins dalla partida. Sco bu-

ob da nov onns eis el staus da veser en in drama e silsunter adina puspei, era en sketches, denter auter era el Trio Medelin. Fertion ch'el gauda las cumedias siemia el d'in drama: «In drama caztgass schon, mo persunter essan nus memia pouca gliעד.»

> PAGINA 5

DAD AUGUSTIN BEELI / FMR

■ Tgi che vul retschercar en revistas e gasettas veglias sto haver a disposiziun la collecziun. Per Rico Valär, professer da litteratura e cultura romonstscha all'Universitad da Turitg, ei la digitalisaziun ina caussa essenziala. Cun digitalisar gasettas, revistas, calenders ed auters stampats vegn in'impurtonta part da nosa cultura e da nies lungatg aviarta per ina vasta publicitad. Schizun il DRG ei online ed era las «Annalas». Ins sa encurir texts publicai avon decennis ed elaborar las informaziuns. Rico Valär, professer per litteratura e cultura romonstscha all'Universitad da Turitg, ei viagiava a Glion per presentar il project da digitalisar «Igl Ischi» ed «Il Glogn». La Biblioteca nazionala svizra ei responsabla per la direcziun administrativa dil project e finanziescha la digitalisaziun. La Biblioteca dalla Scola politecnica federala elavura, sistematisescha e publichescha ils toms. La profesura per litteratura e cultura romonstscha coordinescha il project

Paul Luziet egl internet

«Il Glogn» ed «Igl Ischi» vegnan digitalisai



«Il Glogn» ed «Igl Ischi» ein las empresas duas periodicas che vegnan digitalisadas, ulteriuras suondan. MAD

e cusseglia ils responsabels. «Il Glogn» ei ina periodica ch'ei cumparida da 1927 tochen 1953. Il redactur Guglielm Gadola ha

publicau en quel denter auter sias historias divertentas dil Paul Luziet. «Igl Ischi» ei staus igl organ dalla Romania, dad el dat ei ro-

dund 85 annadas ch'ei cumparida da 1897 tochen 2005.

> PAGINA 3

Giubileum: 45avel Passlung Martina-Scuol

■ (fmr/afi) Prosmo dumen-gia ha lö il 45avel Passlung Martina-Scuol. La prüma cuorsa es statta als 15 favrer 1976 e quai sün ün traiget da 25 kilometers. Persunas sco Giovanni Mathis, Michel Rauch e bleras otras persunas s'han ingaschadas a seis temp per la realisaziun d'üna loipa da 35 kilometers lunghezza chi maina hoz amo adüna da Scuol a Martina. Culla cuorsa as laiva promover il sport da passlung in Engiadina Bassa.

«Al cumanzamaint haja dat l'ün o l'oter problem cun proprietaris dal terrain lung il traiget», s'algora Giovanni Mathis. Michel Rauch s'ha partecipà fin avant duos ons a mincha Passlung. «Il sport da passlung s'ha sviluppà ferm i'ls ultims ons», constata'l. Uschè gniva fat il traiget cun üna maschina plü pitschna e pro'l stil classic es gnü pro il skating: «Eir il material s'ha sviluppà. Plü bod d'eiran ils skis amo da lain.»

> PAGINA 7

Tanter Engiadina e Catalogna

La terza autura engiadinaisa chi va cun ün premi quist on

DAD ANNATINA FILLI / FMR

■ Ils responsabels da l'Institut Ot-alpin Ftan han invidà mardi passà ad ün sairada litterara. La giuvna poetessa engiadinaisa Jessica Zuan ha prelet poesias our da seis cu-

desch «Stremblidas e s-chima». L'ouvra chi'd es cumparüda pro la Chasa Editura Rumantscha cumpiglia 145 poesias our da la collecziun da l'autura. Zuan es creschüda sü in Engiadin'Ota. Daspö l'on 2005 abita ella cun sia famiglia a

Barcelona. Da l'on 2017 es cumparü seis prüms cudesch da poesias «L'orizi». Quist'eivna vain Zuan undrada cul Premi da cultura da l'Engiadin'Ota.

> PAGINA 7



La poetessa engiadinaisa Jessica Zuan vain undrada quist'eivna cul Premi da cultura da l'Engiadin'Ota. FOTO RTR



40006

9 771424 749004

Servetsch d'abunents e da distribuziun: tel. 0844 226 226 mail: abo@somedia.ch